

400

A D Q V O D L I B E T A R I A M
Q V A E S T I O M E D I C A M A T V T I N I S A G I T A N D A D I S P V T A T I O N I B V S
I N S C H O L I S M E D I C O R V M , D I E I O V I S X I X . F E B R V A R I I . M . N I C O L A O M A R C H A N D ,
D O C T O R E M E D I C O , M O D E R A T O R E .

An humor crystallinus principale sit visus instrumentum?

V PRAESTABILIA quæque adeptione ardua sunt, ita visus cæteros sensus præstantia excellens cognitionis suæ explicatus habet difficillimos: siue eius obiectum expendamus, siue ad visionis modum attendamus, siue denique ad totius organi partes earumque actionem & usum animum referamus. Obiectum eius, quod lucem tam primariam quam secundariam statuimus, naturam semper habuit magis admirabilem quam explicabilem. Cum enim corpus non sit, trina tamen dimensione sese diffundit, atque ἀνάλλασιν patitur. Cum vero sit qualitas, de subiecto vno in aliud temporis puncto sese introducit. Colorum autem essentia cum nihil aliud sit quam lumen aliquid passum, quatuor primarios esse, qui cæterorū principia sint, album nempe, nigrum carulum, & rubrum, quod non ex sese, neque ex aliis, sed ex iis reliqui omnes, si non testimoniis luculenter, at ἀποδείξει euidenter conuinci potest: Nullumque propterea oculis innatum esse lumen, ne animantium quidem quibus laxè in maligna & dubia luce pupula sese amplificat: quæque ea de causa tunc temporis commodius vident.

S VMMÀ animorum contentione inter doctos hæcenus pugnatum est, utrum visio receptione, an emissione, an utroque modo fieret. In primam sententiam demonstrationum euidentia adducti discessionem facere cogimur. Ne autem lumen largius in oculum sese insinuans facultati incommodaret, aut parcius influens illam languidius incitaret, natura Iridem affabre & pulchrè molita est: quæ luci vberiori, & obiecto candido obuia, pupulam coangulat: debiliori vero luci & atro obiecto aduersa illam dilatat & explicat, vnde eliminandum è scholis decantatum illud adagium, Visum albore dispergi, nigro vero congregari. Huius coronæ morus ad luminis rationem sese componens, tantam habet necessitatem, ut qui eo expertes sunt μυδρίασις aut ρυτιδωσις interdum excæcentur. Tunice huiusce vsui ars suppetias tulit: Μυωπες enim & quibus lumen largius nocet, concauæ superficiei concipiliis iuuantur: quod minus, & remissius lumen in oculum transmittant. Νυκταλωπες contra, & quos copiosius & viuidius lumen iuuat, conuexæ superficiei concipilia exposcunt: quod his lumen refractione affectum in oculos sese viribus adauctum transferat. Vnde falsa est illa optidorum propositio, qua demonstrare enituntur & contendunt omnem refractionem formam lucis & coloris debilius visui repræsentare. Non secus atque illa, qua perperam asserunt, nullam refractionem immutare situm partium formæ refractæ, sed solum augere vel imminuere figuram. Sed non reticendum dari ex duabus his conspiciolorum speciebus tertiam compositam, quæ obiectum præ interualli longinquitate visus aciem fugiens, facile conspiciuum prodatur.

A N C Iridem seu oculi coronam totam ab vna aliam esse (quamuis contra Anatomici sentiant) ἀντροψία & peculiaris eius structura actio & vsus redarguunt & demonstrant. Oculi vero totius figuram non vndequeque sphaericam esse, sed in piscibus, quibus posteriori crystallini superficiei depressa est, κερατοειδής etiam est depressior: In aubus vero quadrupedarum & homine, quorum eadem crystallini superficiei postica, sed auium potissimum, extuberat, eadem cornea etiam in iis extat & eminet: Ita ut ex duarum quodammodo sphaerarum superficiei oculi figura constare videatur.

V M O R E autem crystallinum non ἀπλῶς ad visionem, sed κατ'εἶδος tantum ad visionē distinctam valere confidenter asseueramus. Ita ut is ad causam per quam melius fit visio sit reuocandus: Cum lumen siue species in pellucido non firmetur, sed transferatur: Neque in vno & eodem subiecti puncto temporisque momento indiuiduo variæ & discretæ alterationes fieri queant: Ii quibus ob ὑπόχυμα oculus acupunctus fuit, crystallinusque de sede deturbatus, comminutus, dissipatus & ad inferiores oculi partes afflictus, videant tamen, sed ob crystallini inopiam, confusæ & perturbatæ omnia: distinctè vero & discretè conspiciolorum opera sola, quæ proportionē & figuram crystallino respondent: Nec vllus vnquam hoc affectu bis corripiatur. Ex quibus etiam ὑπόχυμα non esse humoris inter corneam & crystallinum concretionem, sed ipsius crystallini, aut eius tunicæ affectum & alterationem deprehendi potest.

S P E C I E S ergo siue εἶδωλα potius in retina firmari & depingi, situs, substantia, color partis & ἀντροψία demonstrant. Est enim retina quædam veluti cerebri portio, quæ sese in latum explicans totam vitrei humoris posticam superficiem ambit: Cum vero albescat, colorum omnium facile fit capax: Est enim albor non tam color quam potentia colores omnes: Cum enim particulis pellucidis subiectum eius constet, hac ratione colorum & luminum genere omni facile inficitur, quorum effluentiam infinitarum prope superficierum occursatio interpellat: Idem comprobatur oculi carnibus & pinguedine omni expurgati à postica parte inspectio, antequam caloris effluuii deturgescat: sed elegantissimè id euincit Optidorum camera obscura omnium obiectorum imaginibus in subiecto albo, pictura omnem admirationē superante impressis. Visibilis vero cognitionem per modum rationis aliquem semper fieri remanente in anima notione siue forma vniuersali, qua quodlibet visibile simile cognoscatur: In visioneque errari, aut solo visu, aut anticipata notione, aut syllogismo acutè & doctè Optici demonstrant.

Ergo humor crystallinus non est principale visus instrumentum.

Asserebat LVETIÆ LVDOVICVS SAVOT Sedlocensis, Anno 1609.



D O M I N I D O C T O R E S D I S P V T A T V R I .

M. Gabriel Biart.
M. Ioannes Desgoris.
M. Renatus Chartier.

M. Franciscus Placet.
M. Andreas du Chemin.
M. Georgius Arbaud.

M. Nicolaus Marchand Præses.
M. Franciscus du Port.
M. Guillelmus Luffon M. Regius.